

欽州志卷之九

人物志

列傳

列女

耆壽

列傳

隋

甯猛力安州刺史達之子

據甯贊碑

南海以西溪洞自

漢晉來甯族最大世為俚帥蠻獠皆歸之猛力當

陳禎明時為安州刺史役服不實輸貢於陳

黃通志

陳亡自以為與陳叔寶同日而生當代為天子乃

不入朝隋兵阻瘴不能進

唐書南蠻傳

開皇中拜命狐

欽州志

卷九

人物

一

熙桂州總管十七州諸軍事熙至州大宏恩信手

書諭猛力申以交友之分猛力母有疾熙復遣以

藥猛力感之詣府請謁不敢為非熙於是奏改安

州為欽州

北史令狐熙傳

桂州俚為亂詔何稠討之承旨

署首領為州縣官猛力率眾迎軍請身入朝稠以

其疾篤放還州與之約曰八九月可詣京師相見

稠還奏狀上意不釋十月猛力卒上謂稠曰汝前

不將猛力來今竟死矣稠曰猛力共臣約假令身

死當遣子入侍越人性直其子必來初猛力臨終

誠其子長真曰我與大使為約不可失信汝葬我

訖即宜上路長真如言入朝上大悅曰何稠信著



蠻夷乃至於此 隋書何稠傳

甯贇字翔威祖達父猛力兄長真冀州臨淄人也  
分美閩越德隆蕃邸開皇十四年入朝授大都督  
南定交趾之川北靖蒼梧之野仁壽二年增上儀  
同三司撫寧蕃部克著嘉庸大業二年拜上儀同  
三司餘官如故雲梯再起魚驪迭興維兄及弟陳  
兵林邑推鋒振旅以先啓行浮青雀以泛白波擢  
白馬以排綠浪靡旌摩壘折敵掉鞅故得臥彼鼓  
旗投衡拔旆困獸猶鬪鋪舶江海賊艦千乘我舟  
二十旭旦幟交浸宵未止權以艘舡五鷁偏師激  
隊芟夷撲滅盡殪凶徒獻捷納俘躬親廷闕乃受

欽州志 卷九 人物

二

開府儀同三司即其年改為正議大夫大業四年  
正月終於私宅春秋三十有五 誌碑節鈔

甯宣欽州刺史猛力弟也陳禎明時猛力為安州  
刺史令宣治大廉洞而自居欽江猛力死子長真  
襲刺史歸隋拜鴻臚卿而留宣為合浦太守隋亂  
皆以地附蕭銑時交趾太守邱和撫綏荒服甚得  
夷情林邑諸國遠和明珠文犀金玉其富埒於王  
者獨不附銑銑聞利之命長真以南粵蠻俚攻和  
和懼欲出迎長真其所署司法書佐高士廉曰彼  
兵遠來勢不得久乃逆擊破之長真敗歸尚欲再  
舉宣諫止之會蕭銑為唐所滅武德初長真以寧



越鬱林之地降高祖授長真欽州都督宣亦遣使請降未報而卒據唐書南蠻傳黃通志纂輯

唐

甯長真刺史猛力之子隋高祖平陳遣員外散騎侍郎何稠往嶺表撫交趾因論猛力入朝會猛力病劇臨終許稠遣子入侍黃通志猛力死長真襲刺史南蠻傳開皇十七年入朝通鑑帝授上儀同三司欽州刺史甯贇碑大業元年驩州道行軍總管劉方及長直伐林邑方遣長真等以步騎萬餘出越裳以舟師出北景軍至海口林邑遣兵守險擊走之師度閣黎江人其國都刻石紀功而還府志引通鑑進上

欽州志 卷九 人物

三

開府儀同三司欽江縣開國公食邑一千戶又為行軍總管甯贇碑悉率部落數千從征遼東煬帝召為鴻臚卿授安撫大使遣還南蠻傳仍轉上大將軍改右光祿大夫寧越郡太守甯贇碑長真兵彊兼並鬱林數郡隋末梁主蕭銑畧地至番禺長真歸附黃通志武德四年李靖陳十策以圖蕭銑授靖行軍總管九月率師而進勒兵圍城銑請降江漢莫不爭下乃度嶺至桂州遣人分道招撫其大首領馮盜李光度甯長真等皆遣子弟來謁靖承制授其官爵舊唐書李靖傳以寧越鬱林之地降自是交愛數州始通高祖授長真欽州都督族人道明為南越州



刺史六年長真獻大珠高祖以道遠勞人不受道  
明與高州首領馮暄談殿據南越州反攻姜州甯  
純以兵援之八年長真陷封山縣昌州刺史龐孝  
恭椅擊暄等走之明年道明爲州人所殺未幾長  
真死子據襲刺史馮暄談殿阻兵相掠羣臣請擊  
之太宗不許遣員外散騎常侍韋叔諧員外散騎  
侍郎李公淹持節宣諭暄等與溪洞首領皆降南  
方遂定

新舊唐書合抄南蠻傳

甯純字如和欽江人少警敏通章句頗善書父宣  
甚愛之陳禎明時宣治大廉洞歸隋爲合浦太守  
純隨父往來廣循嘗至羅浮及歸見安京山嘆曰

此卽羅浮形勢也因大書易山名爲羅浮山上有  
石後有如和題者是也唐高祖武德初長真與宣  
皆以地降宣卒以純爲廉州刺史純善撫衆招徠  
蔡龍峒民闢其四境請立爲縣已而徙刺合州族  
子道明刺南越州爲高州首領馮暄所陷純兵擊  
退之太宗貞觀初長真與暄皆卒而暄弟益反叛  
屢欲攻純純閉境自守唐遣中庶子張元素鎮撫  
至廉見純謹厚有禮教其子弟讀書蠻俗向化甚  
稱獎之後卒於官

黃通志

甯原悌欽江人刺史純從孫也純能以詩書禮義  
教其族人原悌少好學武后永昌元年舉進士以



賢良策試於廷時對策者千人詔吏部尚書李景  
謏糊名較覆以張說爲首后覽對置說乙科而擢  
張柬之弟一原悌第九原悌出荒服得上第朝野  
咸歎異之授秘書省校書郎累官至諫議大夫唐  
宗景雲二年上以二女西城隆昌公主爲女冠以  
資天皇太后真福原悌上言以爲先朝悖逆庶人  
以愛女驕盈而及禍新都宜城以庶孽損而獲  
全又釋道二家皆以清淨爲本不當廣營寺觀勞  
民費財梁武帝致敗於前先帝取災於後殷鑒不  
遠今二公主入道將爲之置觀不宜過爲崇麗取  
謗四方又先朝所狎諸僧尚在左右宜加屏斥上

欽州志

卷九

人物

五

覽而善之元宗朝原悌復以諫議兼修國史一日  
元宗取所修國史閱之見直書隱巢事諭曰白馬  
求卿黃金贖罪卿以爲何如原悌叩首曰周公誅  
管蔡季友鳩叔牙雖太宗不得已之誅亦隱巢有  
以自取爾由是忤旨去官卒葬於大帽山諸志作  
大墓山  
詔發五府兵以給葬事立祠於上蒙村黃通  
志今狼  
濟山有石室兩石人夾侍乃原悌讀書之所又祠  
在欽州北二里曰諫議廟入祀鄉賢舊  
志  
姜神翊字祐之其先自天水徙南海至神翊爲欽  
州參軍始貫遵化累遷舒州刺史修皖山祠建四  
望樓令行政肅淮南盜賊不敢入境子挺以父任



為盛唐令徙家九真占籍愛州日南縣阮通志引靈山縣志

孫公輔贈平章董志

姜公輔字德文欽州遵化人父挺為盛唐令母黃

氏靈山人代宗廣德四年公輔應制策科登進士

補校書郎舊志應制策科高等授左新書拾遺通志

掃父墓召入翰林為學士歲滿當遷上書以母老

家貧賴祿而養以府掾俸給稍優乃求兼京兆府

一戶曹參軍特承恩顧才高有器識每進見敷奏詳

亮正色敢言德宗器之朱滔叛謀合田悅以蜜蠟

裹書間道邀其兄泚太原馬燧獲之以其書上聞

泚不知也召還京師公輔諫曰陛下若不能坦懷

欽州志 卷九 人物

待泚不如誅之養虎自贖其患悔且無益帝不從

泚遂家於長安俄而涇師亂建中四年十月犯關

帝皇自苑北便門出幸公輔扣馬諫曰朱泚嘗

為涇原帥得士心向以朱滔叛坐奪兵權居常拂

鬱不自聊不如遣人捕之使陪鑾駕若羣兇得之

必貽國患帝曰已無及矣遂行公輔從幸欲駐鳳

翔倚張鑑公輔曰鑑雖信臣然文吏也所領皆朱

泚部曲漁陽突騎泚若立涇軍且有變非萬全策

也帝亦記方士桑道茂言遂趣奉天不數日鳳翔

果亂殺鑑帝在奉天有言泚已為帝者宰相盧杞

曰泚忠正篤實奈何言其叛傷大臣心已而偽詔



至舊志帝知羣臣多勸泚奉迎乘輿者乃詔諸道兵

距城一舍止公輔曰王者不嚴羽衛無以重威靈

今禁旅單寡而士馬處外竊為陛下危之帝曰善

悉內諸軍泚兵果至如所言通志帝以公輔有進諫

備禦功舊志拜諫議大夫俄以本官同中書門下平

章事從幸山南車駕至城固縣唐安公主薨上之

長女昭德皇后所生性聰敏仁孝上所鍾愛初詔

尙韋宥未克禮會而遇播遷及薨上悲悼尤甚詔

所司厚其葬禮公輔諫曰非久克復京城公主必

須歸葬今於行路且宜儉薄以濟軍士德宗怒謂

翰林學士陸贄曰唐安天亡不欲於此為塋壟宜

欽州志

卷九

人物

令造一磚塔安置其為功費甚微不合關宰相論

列姜公輔忽進表章都無道理但欲指朕過失擬

自取名朕比擢拔為腹心乃負朕如此贄對曰公

輔官是諫議職居宰相衡獻替固其職分本立輔

臣置之左右朝夕納詢意在防微微而弼之乃其

所也陛下以造塔役費微小非宰相所論之事但

問理之是非豈論事之大小若造塔為是役雖大

而作之何傷若造塔為非雖小而言者何罪帝又

曰卿未會朕意朕以公輔才行其宰相都不相當

在奉天時已欲罷免茲以公輔辭退朕已面許尋

屬懷光背叛遂且因延明容至山南公輔知朕擬改



官所以固論造塔賣直取名據此用心豈是良善  
所惆悵者只緣如此贊又再三救護帝怒不已乃  
罷爲左庶子尋丁母憂服闋授右庶子久之不遷  
洎陸贄知政事以有<sup>八</sup>翰林之舊數告贄求官贄密  
謂公輔曰予嘗見<sup>八</sup>柳<sup>八</sup>實相言爲公奏擬數矣上  
旨不允有怒公之言公輔恐懼上疏乞罷官爲道  
士久之未報後又庭奏德宗問其故公輔不敢洩  
贄便以參言爲對帝怒以公輔爲泉州別駕又遣  
中使齎詔責贄參順宗卽位起爲吉州刺史尋卒  
憲宗朝贈禮部尚書<sup>新舊唐書</sup>入祀鄉賢<sup>舊志</sup>

宋

欽州志 卷九

人物

八

黃沈鹿谿生欽人也從學陳瑩中黃魯直文字固  
不凡與之談經每嘆今時爲春秋者不探聖人之  
志但計數其後逐傳則論魯三<sup>五</sup>鄭七穆窮經則  
會計書甲子者若干書侵書戰者爲幾皆繇漢二  
劉唐武平一啓其端是猶世愚者皆學佛而誦金  
剛經纂吾未曉迫問之則曰有一十三恒河沙三  
十八何以故<sup>蔡條鐵圍山叢談</sup>

甯宗喬欽州人唐諫議大夫原悌之後天性惇篤  
學問淵深德行才猷爲時所重紹興十八年應進  
士科特奏名授參軍<sup>柳通志舊志參輯</sup>

甯宗諤欽州人宗喬弟篤學力行兄弟共相砥厲



鄉黨稱之當道器之前後薦薦紹興二十四年舉  
進士特奏名授通直郎同

曾果欽之士人淳熙初周去非教授於欽雅見親

重因得唐人天威遙碑文義駢儷誠唐文也言高

駢鑿海路潛石事見嶺外代答新

黃仲郡人郡之瀑布灣在城西十里遇旱以石投

之兩立至仲有詩云飛來瀑布破青山遂作寒流

水一灣民庶只疑投石效豈知龍卧在其間見輿

地紀勝同

明

梁里許字以仁舊志作子仁欽州人洪武甲子科鄉薦

欽州志 卷九 人物 九

授江西吉安府教授陞國子監監丞糾謬繩愆克

盡厥職四方學者仰之卒於官祀鄉賢戴通志

蘇筠欽州人洪武初貢生官刑部主事有功績卒

於官入祀鄉賢舊志

黃環字伯循欽州中屯人性醇厚甘淡薄洪武初

貢生甲子舉於鄉任臨桂教諭陞韓府教授教習

世子致仕歸韓王賜辛立鄉田贍老家居有雲雁

下前池與家鵝遊息生育韓王思環教習之功屢

遣使迎不赴因奇其事賜雁來池匾仍建牌坊於

古渡口遭范子儀變燼之入祀鄉賢舊志郝通志參輯

陳善住欽州人洪武中以郡庠生充貢入太學授



山西平陽衛經歷陞蒲縣知縣歷任三十餘年所至盡職人民仰慕妻子不入官舍自號其居曰鱓巢有寄妻詩云行人萬里傳音信報道荆妻鬢尚烏自愧生疎三十載我爲釋友爾爲姑舊志其苦節如此祀鄉賢黃通志

石孟全欽州中屯人宣德間歲貢任安南海東府知府蒿目巖疆見弊情反復謝歸至白鱗尾遇大風知舟不保正衣冠而沒巨鯉負其屍羣鯉夾之送至如洪渡口衣冠面色如生鄉人驚異子孫迎歸殮葬時魚猶不散有捕者慨變爲腐木子孫祭之誓不食鯉乃去其齋孫含琮誤食則損目因以如洪爲魚洪厥後安南叛官吏沒而不歸者以千

欽州志

卷九

人物

十

計乃服其先見云舊志郝通志參詳

蕭通欽州人與邱文莊齊名正統丁卯科鄉試中式見黃志阮通志

楊冠欽州白沙街人景泰庚午舉人歷官廣西平樂府知府在任廉能捐俸造欽州文廟祭器供器致政歸謝絕公門鄉人重之黃通志人祀鄉賢舊志

翁爵欽州永豐坊人嘉靖元年歲貢任太和訓導擢永春教諭板輿迎養其母得俸以供甘膳謹晨昏定省之禮立教以明人倫爲本取文公家禮與諸生講習陞福寧州學正檄下卒舊志郝通志參輯

章獻中字君用欽州白沙人嘉靖十一年以超貢



郭通志云歲貢任浙江都司經歷以廉靜見稱

廉州志云拔貢年上計居天下清廉第七人身被封寵推恩泉壤

鄉人榮之擢雲南大理府通判取道歸省墳墓小

舟南下無異行旅及艤舟登岸所親戚疑其人伺

之乃君用也相與訾其過廉及抵大理其礪節益

堅主管銀場廩資盡革羨餘弗受毫無所染三年

以疾卒於官檢囊得銀五錢無以為殮當道賻之

乃得扶柩歸入祀鄉賢郭通志舊志參輯

黃秋槐中屯人韓府教授環之孫萬厯二年歲貢

任梧州府教授服官課士卓有祖風致仕家居踈

財仗義將祖伯循所貽辛立鄉田米三十石送入

欽州志

卷九

人物

士

儒學遺澤至今存焉入祀鄉賢據舊志補輯

唐鯉字禹門欽州迎恩坊人弱冠既廩事親以孝

聞萬厯十五年由歲貢任訓導厯官四庠教人以

德行爲先士有不能婚葬者出俸周之陞江西峽

江教諭署邑黎有政聲後遷思明教授攝上石西

州事當道賢其有鎖鑰才值倭寇破欽與思明同

知率土兵千餘禦之所過雞犬不驚居鄉不事干

謁惟條陳馬戶里甲諸夙弊欽人德之入祀鄉賢

舊志郝通志周府志參輯

梁調元欽州人年十二補弟子員治春秋督學袁

茂英優禮之闈四科不第州守張應宿一見驚歎



曰滄海遺珠也延爲上客凡著作皆其屬稿年三十二卒郝通志

國朝

戎士祥字爾昌南關濠壩街人少孤貧事母極孝服勤侍養務獲歡心母病奉侍湯藥不離左右凡污穢衣服溺器親爲浣滌數十年如一日母壽八十四歲卒士祥號泣盡哀喪葬盡力鄉人稱之年八十一而卒舊志通志參詳

馮紹齡歲貢生績學工詩爲州牧喻三畏所重康熙元年分輯州志十一年郡守徐化民訪求廉府舊志懸重賞購之弗能得紹齡尋得之山家土窖

欽州志

卷九

人物

三

申乃持以獻遂得真輯成書於是一郡之文獻有所徵考據舊志序序

吳邦瑗字遷若水東朝京坊人康熙四十五年歲貢長於風雅力敦孝友品行端方終身淡泊自甘

絕不干與外事教授生徒孳孳勸人爲善鄉黨咸稱其德周府志

石元音字宣五崇德坊人考職州同存心寬厚和睦鄉鄰有與爭較者惟自退抑或有急難者出囊周濟從無干求奔競之事鄉里推爲善人同上

李元昇字際平城東白沙街人雍正十二年歲貢甘貧力學品行端方設教州城主講東坡書院多



所造就時有干以非禮者願酬以金輒峻拒之不  
少動其狷介方正如此府志新增

潘演淳號蘭園城南大營人附貢授州同職持躬  
端謹見義勇為凡修文廟建文閣之塔諸鉅工捐  
貲不吝乾隆三十二年饑斗粟價三倍演淳為粥  
以濟全活甚眾州牧以一鄉善士額其堂年八十  
三卒

潘演淮號涵亭性敏好學與同懷兄演湘演淳演  
溪同時入泮督學鄭晃異之手書一門詩禮匾獎  
之以歲貢任開建訓導凡事關學校必力任之課  
士先品行而後文藝學者宗之卒於官子四人皆

欽州志 卷九

人物

十三

列庠序有聲

謝謙字六皆捕屬水東人乾隆癸酉拔貢性敏捷  
博通今古學問品行為一州之冠郡守陳淮延課  
子姪主講迴瀾書院及門多所造就翰林馮敏昌  
其最著也年方強仕卒於京人咸惜之俱同上

馮達文字學海以歲貢分發教職歷署臨高開建  
花縣儒學勤於課士見義勇為建宗祠數十楹族  
人賴以咸聚州境偶旱民苦饑捐金倡賑全活無  
算李恭毅中丞湖手書任郵可風區旌其門立鄉  
約畝出穀雇鄉民夜防竊田穀者盜息農便之十  
赴秋闈薦而不售著有篤志堂制義粵東名勝詩



賦選年七十一卒子敏昌進士編修改主事

覃恩封贈如子官

據覃銘文集及採訪冊纂輯

方定經號梅軒城西方家村人天性孝友神姿朗悟弱冠就試屢為學使者賞識棘闈屢薦不售由廩貢援例任順德訓導丁憂服闋歷署饒平東安普寧教諭補雷州府訓導調萬州訓導其在家也讓居宅建宗祠置祭田州中義舉如修文閣建文塔皆鼎力為之其在官也勤於課士而興起風雅之力尤多又恤士貧伸士屈歸旅櫬賑饑民故所至有聲年六十六卒於官太史馮敏昌誌其墓子肇瑞字五鳳馮太史稱為同師所心畏者以恩貢

欽州志

卷九

人物

十四

肄業國子監報滿未仕卒

據墓誌府志採訪冊纂輯

馮敏昌字伯求號魚山欽州長墩司屬人生而早

慧

總角時登文筆峯詩云長江瀉萬里砥柱挽文峯上眺三台近遙觀百雉雉憑空發長嘯臨遠

豁孤衷絕海揚眉處雲帆波浪中採訪冊

乾隆庚寅由拔貢舉鄉試戊

戌成進士改庶吉士授編修充甲辰會試同考官

大考改官刑部河南司主事乙卯辛酉丁外內艱

廬墓六年每月朔望必肅衣冠向

闕稽首轉而拜於祖及其師終身如一日

阮通志性情

和厚言貌之間隱惡揚善而居處恭敬雖僮僕亦不狎視私居盛暑未嘗褻衣跛倚在官勤慎分校禮閣先杜私謁所得皆知名士經其薦者再試多



捷官刑部時虛心鞠疑獄遇秋審決囚矜愴形於色歸寓猶寢食不安在京聞父喪歲臘嚴寒徒跣哀號手足凍裂三日外乃啜粥飲水遂至咯血毀容見者傷感將母家居色養不怠丁母憂哀毀如喪父兩遭弟喪皆三月素食教養孤姪出入必偕

事實冊

知州劉光暉詳稿畧茹茶三載先後同

揆廬墓六年初終一轍又能抑情就禮無滅性之

疇行同氣推恩篤友于之深愛尊禮師傅則喪葬

莫不盡其誠篤厚友生則生死不以易其節設望

樓團壯勇而宵小潛踪講

正學勵躬行而英才蔚起惇篤至行而兼衆長中

外士大夫無不知有馮敏昌者

欽州志

卷九

人物

五

民上見顏子之克己復禮亦於視聽言動上見若夫春風沂水疏水出弦篳篥陋巷此自是胸次灑落歸於自得非日日以此爲事又云聖人之道平易近人只在日用常行上見總之順理成章至公

無我可以處處推廣世世通行而又知權達變無

歉於己而有濟於人此之謂仁耳

謝蘭生撰傳

其論詩

云詩者心聲也高下抗墜單緩焦殺各有一偏惟天地之中聲流於人心而發於詩有中聲必有元氣詩者元氣所爲非一切區區格調之謂能如元氣之鼓萬物此之謂大家故其詩由昌黎山谷上追李杜又穿穴諸家而自闢面目開闔動盪不名



一體歸然為嶺南一大宗也阮通志 書法由褚入大

令尤精研蘭亭平生遍遊五嶽皆造巖題其匡壁

他如匡廬龍門砥柱壺口雷首中條首陽無不遍

陟覃谿文集京中舊無廉郡會館敏昌入詞垣乃獨力

首倡多方借貸始得相地於南城之粉坊琉璃街

鳩工庀材數逾千計前後凡數十楹顏曰廉本堂

鄉人得所芘有卒於京者謀歸柩於里前後凡十

餘櫬採訪冊晚講學於鄉所立學規謂正學宜先講

義利宜先辨禮文宜先習五經宜背誦書理宜疏

通文體宜先正詩賦宜究心書藝宜用功諸學宜

兼及訓誥宜先通課程宜各立應課宜自學者稱

勉出入宜節少非事宜力戒凡十六條

魚山先生阮通志閒詔諸子曰汝等不可浮慕聲華

須及時專研一經使融會貫通作文庶有根柢又

曰敬以持已靜以養氣義所當為則毅然為之否

則卓然不可奪皆至論也謝蘭生撰傳所居去州城僻

遠奸宄潛伏乃率先捐立鄉約鳩集鄉民互相稽

察復於各鄉要地多立譙樓守望相助盜賊屏息

歲早求雨依董子春秋繁露之法刻九桐魚製九

畢具又取蝦蟇須臾黑雲遍滿雷電交作飛雨挾

風傾盆四至溝澮皆盈鄉人異之勒石鄉約中以

頌其功年六十卒採訪冊著有孟縣志華山小志河

陽金石錄小羅浮草堂詩鈔師友淵源集阮通志自

釋褐後居官才四五年遠遊者七年退居凡十一



年所蘊未獲究施而內行之誠篤實學之醇茂衆所心折謝蘭生撰傳嘉慶十三年督撫學臣以敏昌性敦孝友學勵躬行咨禮部具題十四年奉

旨入祀鄉賢

櫛案

全世英州東五里橋人乾隆三十五年歲貢謹飭謙和與物無忤披閱簡編如對聖賢任大埔訓導課士以品行爲先論文竟日不倦以老乞歸卒年

九十一

採訪册

陳允昇居州南鰲魚洲之側乾隆戊寅歲貢嚴正自守不苟隨人訓課後進必先令其自重行止州中身列庠序不自菲薄者多出其門

欽州志

卷九

人物

七

潘杓字正寅附貢生城南大營人演淳子謙和謹厚修己而不責人片紙隻字不入公門惟左右就養俾二親怡然忘老年八十餘卒俱同上

潘梁字奕山演淳次子官江南合肥縣丞清勤盡職奉委賑饑絲毫無染饑民感德署巢縣知縣益勵清操聞母訃歸葬遂乞終父養不復出二子俱服官時致書勉之曰吾但願汝曹爲清白吏以遺子孫也卒年九十三府志新增

關子英字應崇沿海司屬人品行端醇其先赤貧與弟子良艱辛創業家漸裕以食指衆多析產各爨子良不善治生家漸衰未幾困如故子英復將



已產析半與之一切義舉無不樂爲鄉里欽其嚴正請於有司舉充鄉正遵行保甲之法地方賴以安輯

黃純德城東白沙人州學廩生安貧力學狷介自持日食取諸硯田織芥必揆以義乾隆戊戌歲饑糶餼不繼晏如也里人有知而周之者已餒而就斃其操守至死不變如此

藍元秀字醇夫沿海司屬人幼而端重言笑不苟由州府試皆第一進學太原康基田攝欽州羅諸門下知廉州攜至愛園親課之元秀感奮勵志攻苦以遠大自期乾隆己亥舉於鄉第四人赴禮闈卒於京邸年二十八

欽州志

卷九

人物

六

藍臻號崑山城內人歲貢生秉性嚴正學問淹博勤於訓課從遊者多所造就嘗督修文廟不避勞怨部選翁源訓導未任而卒子裕青有聲庠序

何博文字觀堂城內人恩貢生力學能文州牧康基田惜其貧資其膏火而學益進地方義舉出力贊成海寇烏石二騷擾招募鄉勇督率堵禦境賴以安總督百齡書桑梓干城匾獎之尋任大埔教諭調崖州學正卒於官年八十歲

彭大恒字道成城內人歲貢生性恬淡品潔行優學宗先正其立教以行誼爲先經義爲要存心造



就後學足跡不履公門年踰七十卒

梁時彥州庠生品端行潔清貧自矢教讀資生鄉里重之是貧而能貞其操者子世材以勤儉致富見義勇為地方有大興作捐數百金襄事造橋修路一二百金費獨力任之是富而好行其德者

黎鴻韜如昔司屬人性醇厚敦孝義十六歲喪父每撫手澤即潸然下淚事母禰氏盡孝養之方飯

米必精鑿

嘗以養母粳米贈馮太史敏昌母太史報以詩云粳米春成玉色光炊來小甌

滑兼香多君奉母能純孝並使家慈得異糧

母善病侍奉不離左右藥

必親嘗衣不解帶母年八十六卒葬後日詣墓所灑掃終身不間處鄉黨怕謹不欺敬以接人人咸

州志

卷九

人物

九

敬之壽八十而卒

關思進字悟齋沿海司屬人父仕新性篤孝雙親相繼歿寢苦枕塊茹素三年思進秉性溫和居心誠樸乾隆戊戌歲大饑為粥以濟並鼎力勸捐共襄義舉全活甚眾有斃於路者施棺殮埋人咸義之

楊占春廩生白沙街人秉性和平持躬質樸生平孝友好義數十年如一日為宗族鄉黨所矜式

潘緝勲字熙五城南人梁子以從九職分發山西借補太谷典史嘉慶己未教匪猖獗緝勲奉檄從軍討賊凱旋紀功加捐知縣分發陝西時棧道賊



匪充斥緝勲轉輸無悞權榆林補膚施令隨捐同  
知分發甘肅歷署循化同知西寧軍民府所至皆  
有政聲以功委權平涼府丁艱歸里服闋家居不  
出卒年七十六

陳洪猷字壯其白水塘人幼聰慧年十三遊泮每  
試冠軍嘉慶辛酉選拔丁卯中順天舉人留京十  
餘年鍵門謝客讀書作文臨帖外別無他務考授  
覺羅官學教習報滿引

見以知縣用需次京師卒於旅邸

郭壯圻字洪都龍門人胸懷卓犖弱冠卽肆力於  
古文詩詞嘗以詩謁太史馮敏昌一見嘆爲異才

欽州志

卷九

人物

三

太史主講省會書院壯圻悉從之遊而學益進年  
二十七選嘉慶辛酉拔貢後五年以疾卒著有聽  
潮書屋詩鈔二卷

已上俱府志新增

仇鉅修字鈞台城南人郡廩生幼聰敏博學多能  
應童子試州府冠軍弱冠食餼歷試優等生平以  
孝友著睦族和鄰敦詩說禮硯耕自給多所成就  
工畫善書尤精金石古文就館羊城卒

採訪冊

廖雲孫號銅峯沿海司屬人歲貢生素性剛方尙  
義嘉慶二十年賊匪猖獗知府何天衢會營緝捕  
匪犯至沿海雲孫與方遇堯捐貲購線隨同捕盜  
弋獲多名何府申詳總督給一方保障匾獎之又



倡建文武廟文閣王屯橋爲四達路遇水漲民病涉又暗螺路險峻皆協力倡捐修橋砌路行旅稱便同上

許廷進白沙灣人少孤貧不能自立有曹某者奇其貌妻以女教之弓馬令充行伍由龍門左營外委游歷左營都司累官達濠營叅將乾隆五十三年隨兩廣總督孫士毅征南關著勞績

賜花翎五十六年陞龍門協副將整飭營伍勇敢有爲緝盜安民海疆以靖調福建閩安協副將陞海壇鎮總兵署廈門提督緣事降調卒於烽火營叅將任府志叅採訪冊

欽州志 卷九 人物 三

許昌義龍門把總乾隆五十三年隨軍入安南定亂遇變死之事聞賞卹世襲恩騎尉府志事紀

章憲石嶺人由欽州營千總陞補四川督標左營守備嘉慶元年奉調隨剿湖北教匪陣亡奉

旨賞卹給予雲騎尉世職入祀昭忠祠通志府志叅輯

王瑞鳳龍門人由行伍拔補龍門協標把總嘉慶五年奉委出洋緝捕遇賊瑞鳳追捕之被傷落水死事聞八年賞卹世襲雲騎尉同難弁兵皆蒙賞卹入祀昭忠祠同上

陳超倫欽州人官陽江鎮標右營千總奉撥巡洋遭風淹沒照陣亡例賞卹世襲雲騎尉入祀昭忠



祠府志

陳超瑞欽州人任電白營千總巡洋遭風淹沒奉文廕子題准入祀昭忠祠

吳瑞川傅君彰俱欽州人前後任電白營外委皆以巡洋捕賊遭風溺死入祀昭忠祠

龍門兵丁何鳳翔陳鳴鳳黃文元鍾永瑞藍秀義陳繼華李全俱欽州人奉撥巡洋遭風淹沒俱題

准入祀昭忠祠俱同上

蔣魁雄龍門人由行伍拔補龍門右營外委洊陞廣海寨守備歷署香山海安營遊擊電白海口營都司嘉慶九年因洋案呈請十一年隨水師提督

欽州志

卷九

人物

三

錢夢虎暨海口協副將何英巡洋緝捕與賊遇魁雄奮勇當先斃賊無算因何英敗逸力盡無援被執死之同難兵丁六十餘名聞者無不悼歎採訪

龍門外委蘇秀邦陳國亭於嘉慶十五年巡海遭風淹沒

詔予世襲雲騎尉襲次完時再給恩騎尉世襲罔替張府

志事紀



列女

明

倪氏欽州所旗軍倪聰長女年十二許嫁振民坊李齡長子時芳未娶而亡女誓從一聞議婚者輒絕穀泣如是者數四父母備解之女曰吾命也願勿奪吾志卒從之閨閻嚴肅雖近鄰莫覩其面及二親喪兄志剛歿依嫂馮氏同冰蘖行年七十有五卒葬於望州嶺生死無間言鄉官李日森貢生馮國祥生員呂朝俊里老黃仁等公舉知州周邦爵詳其事於當道巡按御史汪信臣以其節聞請旌曰貞女舊志萬曆十二年旌表大清立坊於

欽州志

卷九

人物

三

對陽坊天啟七年知州李五美重修

國朝雍正元年知州董紹美建祠於寧越坊

舊志

呂氏欽州守禦千戶胡奇勳妻年十六于歸事繼

姑以孝聞子妾之子不啻己出有樛木風年二十

六夫卒痛哭幾絕姑慰之以遺孤勗之氣稍平勉

進飲食衰經三年如一日外家吉凶事俱不往來

有婢外通覺割耳逐之遠去子宗淮嗣襲亦天死

呂慟不已因得脾疾聞有議舉其節者卽泣託致

辭曰此吾本分事幸勿過舉惟少俟吾姑得盡天

年吾事畢矣及姑死踰年亦死年六十八姑年九

十八

舊志府志參詳



荀氏欽州貢生翁大經之貳室未笄歸翁事嫡甚  
謹嫡卒荀治內政禮嫡之戚屬有加大經卒荀剪  
髮堅守誓相從地下有欲委禽者家人謀遷氏別  
業詢婢得其故號泣不食數日而卒

舊志通志參輯

國朝

蘇氏欽州迎恩坊庠生馮仕清妻仕清亡氏年二  
十四歲舅姑在堂二子邦柱如異俱幼時值兵燹  
氏以柏舟自誓安貧紡績奉事舅姑曲全婦道教  
二子皆名列膠庠克承夫志皓首完貞壽七十三  
歲而卒

舊志

李氏欽州排榜村徐文賢妻年二十歸徐嘉慶十

欽州志

卷九

人物

二五

五年海寇劫排榜村徐夫婦及一子二女俱被執

賊欲污之脅以及李攜二女粹投水死

阮通志

黃氏王松年妻年十九生女甫六月夫亡氏柏舟

自矢擇從姪體元為嗣孝事孀姑及姑歿嗣子隨

歿氏熒熒在疚以義命自安終不易節現年七十

以下序次依通志事實依府志

吳氏謝謨妻新安訓導吳福在女年二十二守節

撫四齡子友蘭成立遊泮年六十五卒

潘氏蘇模妻庠生潘杞女年二十四夫亡矢志從

一守節三十餘年

黃氏符廣文妻年二十四生子甫五月廣文以溺



水死有勸以別圖者涕泣拒之矢節愈堅有富人百計求之終不可奪卒年七十六

施氏黃文尚府志作尚文妻年二十五夫亡守節四十餘年

梁氏庠生楊雱妻年二十四夫亡守節四十餘年

楊氏馬之驊妻年三十一夫亡生子纔八月矢志

不二奉親撫孤年六十三卒

陳氏李昭較妻年十九夫歿守節四十餘年

郭氏楊潤妻年二十守節現年六十七

郭氏王瑞鵬妻年十九夫亡無子矢志守貞奉姑

以孝聞夫堂兄瑞鳳巡海遇賊死遺孤子者香氏

欽州志 卷九

人物

五

撫之如己出後者香以雲騎尉世職恭遇

覃恩賜封氏為宜人年六十三卒

高氏曾捷連妻年二十一通志作二十五生子甫五日夫

亡氏矢志從一孝養翁姑撫孤子超倫成立現任

龍門營把總氏年七十

馮氏李超伋妻學博選達文女青年守節操凜冰

霜孀守五十二年嘉慶二十三年旌

潘氏彭敦本妻州庠生潘演潔女年二十五生子

岑甫彌月夫亡上有舅姑老病在牀氏矢志守貞

撫孤以娛親志孀守五十餘年嘉慶二十四年旌

曾氏方定繩妻都司曾鴻燦女年二十三守節八



無聞言道光元年旌現年八十餘

吳氏黃洲海妻許字未幾而洲海病目失明吳母有悔意黃亦自愧非耦聽其別議氏矢志不二迨歸黃未及一載而洲海病亡氏年二十一志堅金石孝事繼姑撫夫姪雲承為嗣守節五十餘年道光元年旌

孫氏郭寓邦妻年二十三夫亡氏矢志從一上事繼姑下撫二孤守節六十年道光元年旌

錢氏劉文縉妻年二十二夫亡氏矢志靡他撫夫姪元嵩為嗣守節五十年道光元年旌已上通志府志參輯

陳氏王子璠妻年二十六夫亡守節撫孤目擊一

欽州志 卷九 人物

三

堂五代卒年一百零三府志新增

藍氏何元英妻年二十八守寡翁其永年一百零一氏捫屨織蓆奉養不衰苦節三十七年

周氏藍琪妻生子甫十月而夫亡氏年二十七撫孤邦秀遊泮守節二十五年

黃氏舉人藍元秀妻年二十八夫歿於京有子三氏事姑教子守節四十三年

鍾氏林尙春妻年二十三夫亡子達璋娶婦顏氏生子大受甫四齡顏年二十五達璋又沒姑守節

六十一年婦守節五十二年閨門肅如人稱雙節

劉氏張國英妻年二十而寡矢志守節撫孤子珈



成立遊泮補增年八十四卒

劉氏黃方泰妻年二十二守節撫孤子琳成立遊泮年八十一卒

楊氏周大璋妻年二十六夫亡無子撫姪爲嗣又殤姑隨歿尙有祖姑在堂氏服事三十餘年克盡孝道殯葬盡禮里人賢之現年六十

鄧氏藍傑英妻年二十五夫亡矢志守節孝事翁姑撫孤正蔚成立現年六十

蘇氏李光瑤妻潘氏李景瑤妻蘇年二十九夫亡遺腹生子崇及受室生子而崇又歿潘歸景瑤踰年生子峯氏年二十三而寡與蘇矢志守節共事

欽州志

卷九

人物

三

翁姑蘇氏抱孤孫潘氏撫孤兒諸艱備歷不變節操蘇現年八十潘現年七十一

彭氏學博馮達文側室年二十八而寡守節育子現年七十

李氏梁朝璜妻年二十二夫亡生遺腹子上宏矢志守節撫孤年八十五卒

張氏方相堯妻年二十四夫亡守志撫孤現年六十一

陳氏謝常妻年二十四夫亡矢志不二事親撫孤年九十九

何氏李廣烟妻年二十八而寡撫孤廷瑞娶婦姚



氏生子九閱月廷瑞又亡姚年二十五矢志守貞  
事姑以孝育子以慈人稱一也雙節何氏年六十  
三卒姚氏現年七十四

凌氏周興妻年二十二夫亡無子矢志從一撫夫  
兄庠生士彬子光岐爲嗣現年七十九

李氏潘桓妻年二十八而寡子綬勳甫四齡氏矢  
志守節撫孤年七十八卒

禰氏陳廣義妻年二十三守節事親撫孤長子繡  
章國學孫賡虞昌虞遊庠氏年五十七卒

翁氏陸成謨妻年二十六守節撫孤現年八十  
仇氏馮士載妻靈山仇汝瑚女隨父在任士載就

欽州志

卷九

人物

三

婚未踰年而寡屢欲身殉父母勸諭百端防守甚  
密後扶夫柩歸里以哀毀卒

陳氏鄧連魁妻年二十二而寡矢志從一撫孤子  
維泰成立守節十七年卒

吳氏劉鈞驥妻年二十二夫亡矢志靡他撫孤子  
紹錫遊泮守節十五年卒

以上俱府志新增

王氏廩生曾孔懷妻年二十四而寡親老子幼堂  
上館粥不繼氏以織紵供之現年六十七

採訪冊

李氏周仁昌妻恩貢生景濂母年二十六夫亡時  
景濂甫七歲氏撫之遊庠食餼守節五十三年

同上



耆壽

何其永欽州人嘉慶二十四年州牧朱榷率官僚

紳耆同伸祝

嚴以其永年一百歲與焉

呈詩曰我年滿百歲已是四朝人載贊親賢牧拱筇拜

紫宸香山難再會枯木幸逢春  
君恩重微忱孰與伸  
州牧曰此

昇平人瑞也錫與酒麩禮遇優隆卒年一百零一志府

趙同欽城內人以武畧素著制軍福康安給六品

頂戴知州馬倚元旌以行字梓里額年八十八歲

四世同堂父季雄年九十二祖友忠營千總會祖

良科高祖順吾均年九十子元渾州歲貢現年屆

七十同上

欽州志

卷九

人物

三

利仕章

年一百零一歲五世同堂

陸高宏

年一百歲四世同堂

袁奇秀

現年

一百零一歲

李艷彰

監生年九十四歲妻黃氏年九十四歲

藍聰

武生

年九十三歲妻郝氏年九十六歲四世同堂

梁世材

夫婦年並九十孝友好義五世同堂

藍韜

年九十歲三歲

黃奇純

年九十歲三歲

王錦球

年九十五歲妻鄧氏齊眉

唐國興

年九十歲二歲

蘇長蘭

年九十歲二歲

石奇瑗

年九十歲

王君超

年八十七歲五世同堂

吳有邦

監生夫婦齊眉現年八十六歲

李榮

從九品職年八十八歲

林楚

附貢現年九十三歲

吳慎

年八十五歲孫壯圖

以千總署

劉國任

庠生年八十八歲

卜義福

年八十八歲妻李氏齊眉

梁如載

年八十九歲

吳有燦

年八十九歲

楊廷舉

年八十七歲

黃濟遠

年八十六歲

鄭能猷

年八十六歲

劉國陞

年八十六歲

謝其昌

現年八十六歲

周曰禮

年八十六歲妻鄭氏齊眉四世同堂母藍氏年一百



零一歲五 黃興登 年八十 李映堂 庠生年八 彭岑

世同堂 從九品職年 林元秀 年八十 黃龍光 又名承德年

八十三歲 馬世英 年八十 黃文超 年八十 黃雲 監生夫婦年

蔡若蕙 年八十 朱麟壽 年八十三 徐人龍

年八十 李秀鳳 年八十 陳朝富 年八十二 歲夫婦

三歲 李美堂 監生年八 楊雲 庠生現年 陳國勝 年八十

林高富 年八十 黃立文 年八十二 歲妻陳 陳刻輔

年八十二 歲妻黃 龐世烈 年八十二 歲 周應熙 年

氏齊眉 四世同堂 施國周 原附貢生捐銀四百

十一歲 吳兆琚 年八十 萬壽官

增書院膏火 李實 監生克盡孝悌和陸 黃廷耀 年

年八十一 歲 黃金璉 年八十 歲 盧華善 年八 謝龍朝

氏齊眉 十歲 朱悅壽 年八

一家百口 林達祥 年八

五世同堂 蘇恒秀 妻年 黃氏 勞道應 妻年 藍氏 周文聖

王氏 一百零二歲 黃氏 一百零四歲 藍氏 妻年一

百零一歲 趙氏 石毅 妻年 姚氏 趙光祖 妻年 符氏

五世同堂 吳捷揚 母 林氏 趙超武 妻現年九 陳氏 陸允

武生 吳捷揚 母 林氏 趙超武 妻現年九 陳氏 陸允

現年九十六歲 林氏 趙超武 妻現年九 陳氏 陸允

年九十 吳氏 潘宗義 妻監生學韜 母

三歲 吳氏 年八十六歲 四世同堂

欽州志

卷九

人物